

**FFKM**

**Tsy mazava ny momba ny fanampiana tamin'ny covid19**

Ny alahady 24 janoary 2021 teo no ivon'ny fankalazana ny herinandro fiaraha-mivavaka eran-tany amin'ity taona ity. Anisan'ny mandray anjara ny FFKM, na Fiombonan'ny Fiangonana Kristiana eto Madagasikara. Ny lohahevitra amin'izany dia ny hoe: mitoera ao amin'izany fitiavako izany ianareo, dia hamokatra be: Johany 15:5-9, DIEM. Ny teto Antananarivo dia natao tao amin'ny FLM Ambatovinaky ny alahady tolanandro teo ny fotoam-pivavahana mahakasika izany. Nisy ny fanambarana nataon'ny mpitarika ny FFKM nandritra izany, nahitana ireo mpitarika Mgr Odon Marie Arsène Razanakolona avy amin'ny FLM EKAR, ny mpitandrina Dr Irako Andriamahazosoa Ammi avy amin'ny FJKM,



*Mgr Odon Marie Arsène Razanakolona, filohan'ny FFKM amperinasa.*

Pasitora Dr Rakotozafy Denis avy amin'ny FLM EKAR, ny mpitandrina Dr Irako Andriamahazosoa Ammi avy amin'ny FJKM,

dina, fa tsy mazava ny fampiasana ny fanampiana tamin'ny covid19, nataon'ny fitondrampanjakana hoy ny FFKM. Ma-

zava izao hoy ny fanambarana, fa misy ny tsy mangarahara matoa ny rehetra mangataka izany, na mpanao politika io, na olon-tsootra, na mpitondra fivavahana. Tsy ampy ny tatitra nataon'ny governemanta, hoy ny teo anivon'ny FFKM, ka miteraka ahiahy eo amin'ny vahoaka. Ankoatr'izay dia nasian'izy ireo teny ihany koa ny fanondranana ny harem-pirenena antsokosoko toy ny volamena, ny andramazana, sns... Tokony hisitraka izany ny vahoaka maro an'isa, fa tsy olom-bitsy mpanao trafika fotsiny. Nanao antso avo koa ireo ray aman-drenim-piangonana ny hanavaozana ny politikampanjakana, mba hahafahan'ny vahoaka misitraka an'ireo haren'ny taniny ireo.

**Isambilo**

Miakatra ny maripana politika

**Mikoropaka sy mipararetra ny fitondrana**

Manoloana ny famoahana ny marina sy ny ampamoaka ataon'ny mpanohitra ao amin'ny radio Mirara-manonja ankehitriny, dia miha-miseho tsikelikely ny marina. Voaresaka na ny fitantanana tamin'ny famatsiam-bola avy any ivelany iadiana amin'ny valanaretina coronavirus, na ny resaka Jirama, na ny fidangan'ny vidim-piainana, na ny tsy fandriampahalemana, na fanaovana ampahimamba ny harem-pirenena, na fanenjehana ny mpanohitra, sns... Manoloana izay fiakaran'ny maripana politika izay, nivory ireo tompon'andraikitra samihafa voakasik'izany, notarihan'ny Praminisitra Ntsay Christian. Anisan'ny votoatin'ny fihaonana nandraisana fanapahan-kevitra ny tsy tokony hisian'ny fanakorontanana, izay mety hitarika tsy fandriampahalemana, raha ny nambarany, ka nahatonga azy ireo handray izany fanapahan-kevitra



izany. Nambarany fa mety hantena hatrany ny filaminana sy ny adim-pokohono ny famoahan'ny mpanohitra ny marina sy ny ampamoaka eto amin'ny firenena. Hatreto anefa dia mbola nanamafy hatrany ny mpanohitra, fa

tsy maintsy hilaza ny marina hatrany ary hampahafantatra amin'ny vahoaka malagasy ny zavamisy marina eto amin'ny firenena. Noho ireo antony ireo, mikoropaka sy mipararetra noho ireo tsikera mivoaka ao amin'ny

Miara-manonja ny fitondrana Rajoelina, hany ka lasa fanenjehana fiainan'olona manokana sisa no anenjehan'izy ireo ny mpanohitra, sy ireo mpanentana ny fandaharana Miaramanonja.

**Rajo**

RMDM Melaky

**Mitaraina ny tany**

Mitondra ny fahitany ny raharaham-pirenena amin'izao fotoana indray ny RMDM, na ny Rodoben'ny Mpanohitra ho an'ny Demokrasia eto Madagasikara, amin'ny faritr'i Melaky. Mitaraina ny tany, hoy izy ireo : "MITARAY NY TANY". Iza zavamisy rehetra eto Madagasikara izao hoy ny fanambarana dia vokatra ny safidintsika. Indrindra tsika amin'ny faritsy nanome vato ambony +80% ity fitondrana Rajoelina ity. Na-

nantena fatratra, fa fiadanana no hita kinanjo ny vary fihinananao aza nosoloany artemezia, volamenanao lasa antsokosoko, firenenao lasa PLUS PAUVRE DU MONDE, faharoa amin'ny mahantra indrindra eran-tany. Tseriky sady gaga zahay, nefa tsy tampoky aminay, fa MIZARA ROA NY LALANA MISY ETO raha ny sociologie politiky no jerenana: -Misy ny tsy manao cache bouche, ny sasany ampa-

nadiovina dalle sy ampamafana. -Misy mitrandraka volamena zara mahita 1g nefako samboriny zandaro ampolony, ny sasany tsy hitan'ny camera sy rayon X nefa mamoaika 73kg. -Tanin'ny gasy kasay totofana hanaovana Tanamasoandro, ny an'ny karana sy sinoa jerem-potsiny. -Bois de rose aman-taonina sy contenera maro no naboaka teto tsisy olana, fa gasy madinika nitetika ala...

-Mampiditra ARME 3e degré jerem-potsiny, fa ny miarotena amin'ny basimborona, avy dia gadra... -Tratra nangalatsy fripy 1 ny madinika dia voasazy fa ilay BONBON SUCETTE, ECRAN PLAT... tsy misy tohiny. Mivadika ambony ambony tsy hita ny lalana eto. Mijereva izay manamaso, mihainoa zay manasofy. Ho an'ny tanindrazana, hoy ny RMDM Melaky.

**Stefa**

*Ny Valosoa sy fakafaka*

**Fitantanam-pirenena  
Miseho hatrany ny tsy fahaizan'ny fitondrana ankehitriny**

Miharihary fa mizotra mankany amin'ny tsy fahazana mifehy ny fitantanam-pirenena, manaraka ny tokony ho izy, andrasan'ny vahoaka ny fitondrana amin'izao fotoana izao. Ao anatin'ny tena fotoana ahafahana mandrefy tanteraka ny amin'ny lenta marina ny fahaiza-manaon'ny fitondrana mitondra firenena ny fotoana niasany hatramin'izay, ka hatreto. Tsy misy azony ialana bala ny tsy fahombiazana hatramin'izay, ka nampahantra sy nampahory ny sarambabem-bahoaka ary nilentehan'ny fiainany. Tsy lavina, nisy ny asa nataony, ny tsy vita koa anefa mbola be lavitra noho izany. Azo oharina amin'ny mpitsabo manome fanafody parasetamola hanasitranana aretina homamiadana anefa izany. Indraindray aza ity fitondrana Rajoelina ity toy ny mpitsabo aorian'ny fahafatesana "médecin après la mort", no ataony. Efa niseho tamin'ny tranga maro samihafa teo amin'ny fiainam-bahoaka izany. Ohatra akaiky azo raisina sy porofo miharihary, ny fisian'ny mpiray tanindrazana namoy ny ainy tany atsimo noho ny kere, izay vao mikoropaka. Efa mihanaka ny valanaretina covid-19 nanomboka ny volana martsa rehefa tsy nohidiana ny sisintany vao mody miseho miasa namaha ny olana ara-pahasalamana sy aratsosialy, kanefa niaraha-nahita tsara ny fomba fiasa natao tao anatin'izany, tsy nandeha amin'ny nandrasan'ny vahoaka akory. Nampiatoana ny fampianarana nandritry ny fihibohana kanefa tsy nisy vaholana na kely aza natolotra nanampiana ireo ray aman-denin'ny mpianatra, ny sekoly nikatona tamin'ny ambaratonga rehetra, ary indrindra ny mpampianatra.

Manahiran-tsain'ny fitondrana ny vaky bantsilana ataon'ny mpanohitra amin'izao fotoana izao. Hita fa tsy zakany velively ny tsikera sy fanehoan-kevitra maro samihafa ataon'ireo mpanohitra any amin'ny onjam-peo "Miara-manonja". Dia nahavariana sy nanaitra ny sain'ny mpanara-baovao, fa nampiakapeo hatramin'ingahy Praministra Ntsay Christian, izay tsy hita miteny amin'ny fotoana tena ilan'ny vahoaka azy. Misy fotoana tena andrasan'ny vahoaka hiteny izy kanefa toy ny tsy eto an-tanindrazana ny misy azy, fa milentika any amin'izay isalobonany any. Nisy fotoana, nidradradra nitaraina ny vahoka fa sempotry ny fahantrana sy ny fahasahiranana lalina eo amin'ny fiainany andavanandro. Niantsoantso ny mpiasa amin'ny orinasa izay maro no voaroaka na voailika tamin'ny asany, poitika ny fivelomany, nilentika ao anaty fahantrana ny Malagasy marobe aman'alina maro. Fa tsy naharenesam-peo ny Praminisitra, fa toy ny tsy nahakasika azy izany. Iza angamba mahatsiaro ho voatohintohina ny tombontsoany, ny sezany sy ny fitondrana iankinany, ka mahatsiaro izy fa tokony hiteny ary mandrahona mihitsy aza. Naninona raha tsy tiana ho tonga izany ka mba nosorohina mialoha? Raha mpitondra tena mahay mitondra firenena sy manana traikefa, ny fomba fiasa natao hatramin'izay roa taona mahery izay, dia tokony hahafahana mihevitra fa tsy maintsy midona amin'izao fihetsiky ny mpanohitra izao na hiankavia na hiankavanana. Fa matoa tsy mahatsapa sy tsy nisaina izany, dia tsy mahay izay. Tsy misy toe-javatra tongatonga ho azy izany eto amin'ity firenena ity. Miankina amin'ny asa ataon'ny fitondrana no ipoiran'ny tranga samihafa eto. Ary arakaraka ny setry iatrehana izany no tena ahafahana mandrefy ny tsy fahaizan'ny mpitondra mitantana firenena. Tsy amin'ny alalan'ny fampitarahana hampiasa hery akory ny fanehoana izany, fa tena hevi-diso indray koa izany. Fomba namohehitra teto amin'ny firenena sy lany andro izany.

**Sôh'son**